

wenden sollen/darvon abgehalten / verhindert vnd versaumt/deren Eltern in Schaden/Furcht vnd Leyd gestärkt/ Ihrer geschöpfter guter Hoffnung schändlich beraubt/Kirchen/Schulen/Ratsluben / vnd der gemeine Nutz/vmb man nich herlich Ingenium vnd subiectum gebracht/ ja nit allein dem Academischen/der Studirenden Jugend vorgesetzten Magistratui in seine Juridiction, sondern auch Uns dem Lands-Fürsten selbst in unsere Lands-Fürstliche Hochheit lasterhaftest hochstraffbahrer Eingriff freuentlich gethou/ alle Erbarkeit vnd gute Ordnung zerstüttet/onserer Universität Lob vnd Flor verfinstert/hingegen Muthwill / Vnoordnung vnd Laster eingeführt / vnd in summa an statt eines Seminarii pietatis virtutum & eruditionis eine Colluvie aller Gottlosigkeit vnd Vitiorum eingeführt werden würde/allermassen aus deme uns hier über erstattetem schriftlichen Bericht vnd Bedenken mit mehrerm zuvernehmen. Wann es dann an dem/vnd offenbahr/ daß alle tapfere/redliche vnd christliche Gemüther/hohen/mittlern vnd niedrigen Stands / ab der enormität vnd Abscheulichkeit solches / durch des leidigen Sathans List vnd Bosheit/ auf Theils Academien, zu derselben höchsten Schaden vnd übellem Nachklang/ so weit eingerissnen Pennal Unwesens einen inniglichen Eckel vnd Gretwel geschöpfet/ so gar/ daß theils Herrn Chur-Fürsten/Fürsten vnd Stände/ dasselbet auf Ihren Universitäten bereits gänzlich vnd allerdings zu grossen Frommen und nutzen der Studirenden Jugend / hochrühmlich vnd zu dero unsterblichem Lob/abgeschafft/theils es durch Ihre bei dem jüngsten zu Regensburg gehaltenen Reichs-Tag gehabte Gesandte / vermittelst eines sonderbahren Aufsatz vnd Recels außs höchste improbit, detestirt, vnd sich desselben Abthuung verglichen/theils gar auß offenen Land-Tagen Ihren getrewen Land-Ständen/solchen auch auf Ihren Universitäten vorgehenden verfluchten Muthwillen/wüstes gottloses Leben vnd grosses ärgernuß vorstellen/vnd wegen extirpirung solches Unheils Communication pflegen lassen/theils Fürsten auch noch deß wegen miteinander in Correspondenz begriffen seind/vnd dann auch wir/ so wohl Christlichen Gewissens vñ Hohen Obrigkeitlichen Amptis halber uns schuldig erachten/als uns auch mit wohlbedachtem Muth/vnd auf bewegenden hoch erheblichen Ursachen/beständig entschlossen / diesem heyllosen vnd verfluchtem Unwesen/vnd solchen/Kirchen/Schulen vnd Politicen hochschädlichen/ auch gütiger Ordnung vnd aller Erbarkeit schnur strack zu wieder lauffenden lasterhaftest Beginnungen vnd Excessen, mit vnnachlässigem Ernst vnd Eyffer zu stiernz, zumahl aber diejenige verwegene/freche/ruchlose vnd verstockte Gesellen/ welche sich hieran/wieder all besser verschen/noch nicht kehren / Ihre eygene zeitliche vnd ewige Wohlfart nicht bedenken/sondern selbige in Wind schlagen/ vnd sich hier wieder ins künftig ungehorsam vnd wiederspenstig erzeigen möchten/ als Violatores sanctissimarum legum & omnis honestatis turbatoresque quietis, oþn einigen neben respect mit ohngeheureblichen scharffen Straffsen/